


浙江通志 三十九

學校四



漢書門			
類	號	函	架
三三五二	九〇	一四	一〇
冊	冊	冊	冊

內閣文庫			
漢	搭	冊	架
三	五	二	〇
九	一	〇	〇
冊	冊	冊	架

內閣文庫			
番號	漢	2352	
冊數	120	(15)	
函號	292	48	



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



勅修浙江通志卷二十八

學校 四 書院附

淺草文庫

金華府

華府儒學

在府治西

嘉靖浙江通志宋初在縣東慶歷

間知州關詠徙子城外熙寧間知州蘇頌徙子城內

西南大觀二年校官葉夢得徙今所又請司理院及

竹木場地廣之元皇慶間兵燬憲臣敬儼楊友直相

繼修復明一統志洪武初重建

金華府志明太祖取婺州改寧越府命知

府王宗顯開郡學延儒士葉儀宋濂為五經師戴良

為學正吳沈徐原等為訓導時喪亂學廢至是始聞
絃誦之聲 萬歷金華府志正統二年燬知府蔣勸重建 錢習



禮為成化中知府周宗智宏治中知府韓燾加葺

國朝順治三年燬五年知府張安豫重建自為康熙五年

知府吳翀十七年知府張蓋相繼重修雍正九年知

府馬日炳濬泮池圍以石欄重修櫺星門

射圃 名宦祠祀丁潭以下鄉賢祠祀顏烏以下

麗澤書院在旌孝門外嘉靖金華縣志宋呂成公作書

堂於城西觀前二湖悅焉取易兌象之義以麗澤名

及卒鄉人為祠宇以祭淳祐間郡守許應龍建於雙

溪之游咸淳間徙今所元至元間重建明成化間僉

事辛訪令郡守李嗣重建祀晦菴南軒東萊三先生

正學書院在旌孝門外金華縣志元浙江行省建祀郡

儒何基王柏金履祥許謙明成化十四年僉事辛訪

奏請特額郡守李嗣重建萬歷元年增入章懋稱五

賢祠崇禎十六年燬

麗正書院在府治西北雍正四年知府張坦讓卽金衢

巖道故基建中奉朱文公呂成公張宣公并何王金

許四先生為七賢祠前設講堂列齋左右以為書院

金華縣儒學在光孝觀址嘉靖浙江通志宋以前附於府

學嘉靖金華縣志元至元十三年始創於醋坊嶺大

德三年廉訪副使高伯元改建於夏塘萬歷金華府

志皇慶元年燬泰定四年憲司經歷袁永澄以門北

向遷明初燬同知潘廷堅知縣王興宗重建永樂甲

辰復燬知縣郭瑛建楊士奇天順間知縣林恂修林

為正德壬申知縣李玘修章懋金華縣儒學記正德

學將圯喟然太息有志修葺而兩值艱歲費無所出

乃錄積公用之餘至於壬申之春始克興事其文廟

若西廡若兩齋則易其朽敗新其漫漶而增飾之惟

東廡及講堂頽圯已甚乃重作焉堂東西作為廨舍

以居其師齋後則為米廩以食其上又於堂後建閣

以藏經籍其下為栖士之室而四圍有廂且濬渠引

流於其前以絕鷺塵而來清泚因名其閣曰清源使

諸生講肄之餘於是而玩適焉侯亦時之學與諸生

討論經義商榷古今視其所學而勸勵程督焉金華

在昔碩儒名公輩出道學若東萊兄弟與何王金許

諸賢著述傳於後世學行氣節若潘默成勳業若鄭

忠愍謙言善政若王莊敏煥章兄弟若王忠簡端明

父子皆聲實卓乎當時非其學之為已而清明在躬

者能若是乎邑人君子來遊於是者因其作新之機

勵其景行之志奮然從事於為己之學使先

正之氣脉於是乎益昌天下國家將有賴焉

七年同知蕭宏魯知縣姚資修三十六年知縣顧曾

唯廣其址而重新之姜良翰萬曆金華縣志萬曆間

邑令汪可受得光孝觀址遷建後知縣熊鳴夏買民

居廓之陸可教金華縣學記吾郡附郭之邑自建學

以風節事功名世者若而人矣而歲不無少讓於

前或曰學地褊且廓又左壓於岳大吏之分省斯

其故歟於是前令汪君可受度地得光孝觀負陰抱

山民居前屏市雜喧囂多士出入頗病之今令熊君

鳴夏治邑逾四年乃畫哀公私之積市民居撤之繚

以周垣中通直道前為傑閣顏曰聚奎內為泮池縱

廣若干尺先是觀後有聖覽亭易為尊經閣南北屹

然對峙景行在望前眺雙溪潌洞如帶遠郡城而西
注焉多士出入遊息於斯其必有勃然而動惕然而
思曠若發 四十四年知縣解學龍重修 葉官為記

國朝順治十年知縣王世功康熙十七年知縣王治國教

諭鄭濂訓導沈麟趾重修 王治國自為記

射圃 名宦祠 祀王興宗以下五人 鄉賢祠 祀潘良貴以下三十一人 社學

四所

北山書院 在盤溪上 續文獻通考宋末為何基立

山橋書堂 在縣治北 金華府志宋王埜建 北

蘭谿縣儒學 在縣治東 嘉靖浙江通志宋崇寧間建萬歷

金華府志紹興間知縣柴紱重建咸淳庚午知縣薛

至增修元陞州學至治初知州夾谷雪兒哈允增拓

之 吳師道重新蘭谿州學記蘭谿升縣為州餘二十年任守牧者藁有興作神祠之侈醫宇之崇官舍

亭傳之新咸出意相勝獨學宮在城東因舊制卑陋日就圯朝廷右文開科風厲鼓舞是宜在所急而會

無一人顧省者豈所謂知本哉至治元年知州夾谷侯銳意改作歷夏徂秋中外告功殿庭門堂齋廡視

舊咸闢周垣夾廡官署庖廩實助於今嚴嚴翼翼始肅其觀未幾去官事遂格今知州崔侯雲翼慨然葺

其緒補其缺飾其所未及而州判王君淮復贊助而督之既底績職教者宋天富來請文謂夾谷侯能新

之於數月之間而六年之後得崔侯乃完二侯之功皆宜書也既直紀其事而復為之說曰天下事後出

者必有加於前而俗之趨下者常莫能挽而歸於古安宅廣居人孰無之博厚高明可以自致如使宏其

宮而人之眇新其室而習之汚則賢州侯之意荒矣故愚願以諗於衆庶其遊居周旋仰瞻俯察警悚振

飭思所以稱是而度越於前人哉 明復縣學永樂中知縣宋哲趙克

寬繼作天順後則知縣王魯唐韶劉恩又拓而新焉

正德蘭谿縣志正德二年知縣蘇瑛作泮橋明年知

縣許完教諭段濂遷學門蘭谿縣志正德十五年郡

倅趙天定掌縣事重修大成殿知縣錢炯踵成之章懋

為記

國朝順治十二年知縣張浩教諭章一奎訓導王萬彥重

修朱之錫為記

射圃在明倫堂西後改為啟聖祠名宦祠祀洪少卿以下二十一人鄉賢祠祀

與立以下六十五人社學

仁山書院在縣西天福山上萬歷金華府志在仁山下金

仁山先生建何文定公書其扁曰仁山書堂學者於

是受業焉後移建天福山董遵為記

重樂書院在縣西十里金華府志宋葉克誠先生延仁

山先生講學處

澱東書院在縣南鷓鴣塢續文獻通考宋葉誕讀書所

齊芳書院在住竿山之陽續文獻通考元唐良驥延金仁

山講學於此

東陽縣儒學在縣治東南明一統志宋慶歷間建萬歷金

華府志皇祐元年知縣鮑安上作大成殿明倫堂毛維

瞻東陽縣學記慶曆初詔郡縣立學天下不幾幾至於道獨此邑雖有夫子廟墮落昇隘上露星日使民



無所瞻仰明府鮑公至感焉病之謂其寮曰豐屋陳堂非道之強窮檐陋巷非道之喪宮室之奢儉於聖人之道吾未見毫髮損益雖然豈治朝尊嚮儒術之意耶將圖再新實惜民費會邑豪之義者請入金以舉其構俟成願遣子弟舍其中從大夫學焉鮑公然其謀經始有期且患舊址迫狹遂闢東南官圃以廣之役興於戊子夏訖於己丑而成既乃哀羨緝撰祭器以給春秋釋奠之用置經史諸子百氏之書以補苾蒭之弱廟成民悅父督其子兄攜其弟咸執經北面而請鳴呼學所由興矣治所自適矣公政之暇尚考典禮羣肄於廟宮使民觀之而化致淳熙六年知此邑為禮遜之國鮑公其知政之本歟

縣王袂作藏書閣後知縣趙與憲更造堂齋及先賢

祠元至元二十七年按察副使王侯新之嗣是縣尹

郭瑛任謙許思忠趙鉉迭為修建黃滔為記明永樂二年

知縣詹全彰增修成化十五年知縣繆樛又增之嘉

靖浙江通志嘉靖四年知縣李邦直毀老君堂闢神

道導南山水入泮池東陽縣志嘉靖四十五年知縣

陳應春建名宦鄉賢祠隆慶間知縣鄭華更新之萬

曆三十三年知縣郭一鶚重修崇禎十二年教諭劉

振之訓導彭如翺重修

國朝順治六年知縣潘士璜訓導金英重修十七年庠生

吳良棫等建明倫堂學門康熙二年復建先師廟及

兩廡修啟聖祠十年庠生李元毅修戟門十七年知

縣胡啟甲重修先師廟十九年知縣俞允撰成之并

建名宦鄉賢祠趙行撰文廟記吳從臯為名宦鄉賢祠記

射圃 在文廟東今名宦祠 祀戴叔倫 鄉賢祠 祀斯敦

十七社學 在西 北隅

南園書院 在縣東四十五里 萬歷金華府志 宋蔣友松建

聚書三萬餘卷賓碩儒以教其族黨子弟 北

石洞書院 在縣南六十里 萬歷金華府志 宋郭欽止建 葉適

石洞書院記東陽郭君欽止作書院於石洞之下石洞郭氏名山也初洞深復無行徑薪者拾採而已君始以意疏治前阻崖壁衆不知所爲欲止君過視其罅遙聞水聲出空中鑿崖百步梯級而後進土則谷明俄若異境稍復深入臻於曠平則石之高翔俯踞而竹堅木瘦皆衣被於其上水之飛湍瀑流而蕉紅蒲綠皆浸灌於其下潭澗之窪衍阿嶺之松矣以亭以宇可釣可奕巧智所欲集皆不謀而先成君又蔭茂密以崇其幽植芳妍以絢其陽左右面勢彼此回薄而山之向背曲折陰晴早暮姿態備矣君甚樂之

以爲山水之美千載而潛譬猶趙璧隋珠璞於外而韞於中其一曰忽彰何異武陵天台顯於今而闕於昔也旣而嘆曰地之偶出於吾墟非私賜余者吾其可自泰將使子孫勤學於斯學其可以專盡使鄉黨之秀並焉於是度爲書院禮名士主其學徙家之藏書以實之儲洞之田爲書院之食而斥洞之山爲書院之山示郭氏不敢有也君旣卒諸子修之不廢而請余爲記嗟夫郭君遠矣以學易游而不以物樂厚其身以衆合獨而不以地勝私其家也自君之爲是至今五十年成之之難傳之久也游之興廢家之盛衰占焉學之興廢人之盛衰占焉學不待地也螢燈雪屋苟取尺寸而聖賢之業可成矣學以知意爲始以盡力爲終今夫悉其聰明傳之文字深已造於性命淺亦重於科舉而不能知其意猶爲無所始也將何以終之乎君之子孫與其鄉人必勉之使玩雲嵐挹泉瀨心形潔清以始其學而卓異豪傑之材出焉然則學雖不待夫地而地固有待

崇正書院 在縣東北三里 萬歷金華府志 知縣吳翰詞建

久

復初書院在縣城南萬歷金華府志知縣趙善政建

八華書院在縣西三十五里萬歷金華府志元許文懿公

講學之所許彥洪建

橫城義塾在縣南十五里明一統志宋景定五年邑人蔣

沐建延師以訓四方來學之士方逢辰為記元至正間沐

四世孫大同重修

胡氏義塾在縣治南東陽縣志宋咸淳間邑人胡祐建

義烏縣儒學在縣治西南嘉靖浙江通志舊在縣南宋慶

曆九年令毛維瞻徙縣東崇寧間徙縣西宣和兵燬

紹興八年令張公袞徙縣北萬歷義烏縣志紹熙四

年知縣虞汝翼重建大成殿開慶元年令趙必升建

明倫堂萬歷金華府志景定二年知縣李補四年知

縣林桂發新之元天歷二年達魯花赤鐵閭遷明倫

堂於廟後至正元年達魯花赤帖木新廟機買為記三年

縣尹周自強築杏壇黃潛為記明洪武三年知縣張允誠

建廟學二十九年教諭張復祖遷明倫堂於廟西三

十三年知縣吳祐修正統間縣丞劉傑知縣劉同相

繼修之正德十三年御史吳華遷今所自為記嘉靖十

四年通判汪昉修胡森為記二十九年知縣汪道昆四十

四年同知張書紳重修崇禎義烏縣志萬歷七年知縣范儁修文廟明倫堂創尊經閣二十一年知縣周士英重修

國朝順治七年署縣事推官徐振儒建戟門九年知縣宋

雲梯建明倫堂十六年知縣范鼎鉉教諭徐宏彰建

文廟康熙七年知縣孫家棟教諭譚觀成重建西廡

十一年知縣于漣復建啟聖祠并鄉賢名宦二祠

射圃在明倫堂東名宦祠祀王允誠以下十五人鄉賢祠祀顏烏以下三十三人

社學九所

五雲書院在五雲山下萬歷金華府志元大德國樓如

浚建宋景濂嘗遊學其間圯

永康縣儒學在縣治西嘉靖浙江通志宋崇寧間建萬歷

金華府志政和四年合周虎臣新之宣和三年寇燬

紹興十一年合強友諒重建洪清臣為記寶祐四年方夢

玉攝縣拓地更新吳遂重新永康縣學記寶祐四年春方君來攝邑事載見於學顧齋

庶仰漏俯濕拜弗容膝感然曰政有先是者耶朝經

暮營若償重負縉紳學士弗勸而集閏月七告厥成

又祀邑之先正襄靖樓公始正惠林公大中文毅陳

公亮以致高山景行之仰揖諸生而策之曰古麗山

秀水腴斯文之符也自胡公則開科於端拱徐公無

黨冠南省於皇祐先後以行顯文風日起逮於南渡

有迭位樞筦為國柱石者有持崇橐登臺省歷郡麾


表表以名節照世者有首唱廷陞抗中原大義為社

稷吐氣者其他魁偉傑出磊磊相望固不止三賢而

川自永嘉來遊於靈沼蕭寺之下糲食蔬酒累晷淡夕相與講明聖賢之深緒一草一木經其吟矚者猶有光彩盤踞遠風尚存得無激餘芳叩逸響者乎咸拱手曰敢弗力於是諸生轉相語重請於子願有述也子乃言曰邑大夫遊刃動中森節日創于牛無難也然籛廬其身而棟宇厥士可不謂知所先後乎哉遠嘗聞為學之要不過明辨義利而已孟子指雞鳴而起為學者一大期會書謂之幾中庸謂之獨孟子謂之間周子謂之動靜未形一也有能存夫靜以涵動之所察察夫動以見靜之所存一念微差勇勤勾蔓去其不如舜者就其如舜者庶乎誦詩讀書光昭前哲日溪山而有耀對邑大夫而無慚願吾黨共進焉
元至元三年寇燬二十九年縣尹苗廷瑞增修
復燬延祐五年監縣沙班重建明洪武三年知縣魏處直宋顥即元之故學葺成之永樂間知縣魏廉承歐陽齊復修正統十四年寇燬知縣孫禮重建成化

七年御史劉珂拓尊經閣址宏治四年知縣王秩撤齋廡而新之十四年知縣張鳴鳳新廟正德八年知縣黎鐸新學十四年御史吳華同知張齊新饌堂號舍嘉靖三十年知府陳元珂建仰聖興賢坊永康縣志萬歷二年知縣楊德學諭盛於唐知縣吳安國重修

國朝康熙十一年知縣徐同倫訓導虞輔堯重建二十一年知縣謝雲從重修
射圃 在縣治東 名宦祠 祀何炯以下十四人 鄉賢祠 祀胡則以下三十五人
社學 在舊藩司行臺故址



龍川書院 在縣東六十里龍窟橋 萬歷金華府志 宋陳亮讀

書之所 在縣東六十里 萬歷金華府志 宋朱文公呂成

五峰書院 在縣東五十里 萬歷金華府志 宋朱文公呂成

公陳龍川舊遊之地嘉靖初邑人應典因為祠以祀

三賢知縣洪垣更為書院

綠野書院 在縣東門外 金華府志 康熙二十一年知縣

謝雲從允士民請為總督武定李文襄公建

武義縣儒學 在縣治西 明一統志 宋崇寧中建嘉靖浙江

通志 宋初在縣南紹興十四年令陳一鶚徙今所元

至元十三年監縣豈台蒙古仍徙縣南十六年令韓

昌復建今所萬歷金華府志 至正間尹隋守中許廣

大翁景成相繼新作 張樞為記 明正統十四年寇燬時布

政使楊瓚居守因新之嘉靖武義縣志成化十六年

知縣陳奎建奎星閣廣學基十九年知縣曾祿建射

圃號舍宏治十一年知縣汪亨毀妙相寺廓之正德

十年知縣胡琇重建明倫堂十四年文廟大新則御

史吳華之功也金華府志 萬歷元年知縣譚音重建

學三十三年知縣張國裳重修 自為記

射圃 在文輿橋之南 名宦祠 祀劉元以鄉賢祠 祀徐邦憲以下九人 下十一人

社學 在城

浦江縣儒學

在縣治東南

萬歷金華府志宋皇祐六年知

縣楊洙作廟崇寧中即廟作學嘉靖浙江通志初在

縣西南後徙而南宣和七年徙城外萬歷金華府志

淳熙十五年知縣鮑祖文主簿葛采新作

唐仲友為記

定三年復遷縣南今白佛寺址紹定三年知縣李如

退復於廟西斥大之

葉味道為記

端平元年知縣石孝

嘉熙元年知縣鄭思聰淳祐十年知縣張榷寶祐二

年知縣何宗姚景定三年知縣王霖龍咸有修建元

大德九年縣尹蔣恕修至元三年尹林以順更新

柳貫

重建浦江縣學聖廟記重紀至元元年蒲陽林侯以進士得邑以歸於茲謂舊廟規制湫隘進吾黨之士

而申做之日岸疊之舍在百里間贏一區而污蟻藂陋若是孰思有以奮起而作興之里有者士張一寧

與松江府教授吳貴孫合辭於侯曰願悉吾力毋煩有司而他若有於學者亦相率以其資來相於是

作櫺星門於泮池之南徙土祇祠於明倫堂之西而堂亭齋館門廡庖廡無一之不理越明年告成侯之

與是役以禮帥人人亦樂從之後之遊乎斯者周旋揖讓手其間將因其角弓嘉樹之思而有得乎見聖

由聖之一機其感發而興起者宜何如耶至正十一年尹文質復新明

洪武三年知縣張希顏建造嘉靖浦江縣志永樂九

年知縣戴文彬修嘉靖浙江通志正德七年知縣鄒

輓徙今所十一年知縣郭楠繼成之崇禎浦江縣志

萬歷十四年知縣張而綱典史鄭騏建明倫堂尊經

閣啟聖鄉賢名宦諸祠金華府志萬歷四十三年知

縣黎宏道重建文廟天啟六年知縣蘇國翰重修崇禎八年知縣吳應台重修尊經閣十一年教諭王德溥修文廟

國朝順治四年知縣韓文明重建聖廟康熙十八年教諭

顧爾敏訓導金漸離重修

射圃 在東門橋邊 名宦祠 祀李知退以鄉賢祠下四十一

人社學 在分司東

月泉書院 在縣西北二里 萬曆金華府志宋政和三年浚

泉構亭咸淳間令王霖龍建月泉書堂立朱呂二先生祠於泉亭西北元置書院山長後廢明嘉靖五年

知縣毛鳳韶建正堂繪二先生像祀之且令邑庠生

肄業其中 久地


東明書院 在東明山之陽 萬曆金華府志宋景濂與其徒

方希直講學之所

湯溪縣儒學 在縣治西 嘉靖浙江通志明成化八年知縣

宋約建 吳寬新建湯溪縣儒學記成化庚寅知金華府南海李侯嗣以湯溪置縣既得講知縣

城宋君約有事於學校相地於縣治西一里而近曰官山王辰秋爰興厥功凡為明倫堂東西齋為庖廚為射圃亭若干楹又以學必有廟為大成殿為兩廡為宰牲房若干楹門牆嚴深階庭高廣凡所創建舉皆如法又明年而功告完遂選民之俊秀者充其中而置書籍繕器用以為講習之資托予文以為記予惟湯溪縣之新者也湯溪之民民之新者也譬若幼子然始而訓之以正言示之以正事自然一言一行



皆趨於正久之習與性成而終為賢人君子之歸以
之出而用於天下國家無非可者也夫有人民而不
能教之與未教而遽責其人皆非也故尤不能無望於為師儒者

靖四十五年知縣樂金重修唐汝楫湯溪縣志萬曆

二十七年知縣林雲龍修明倫堂徐用檢三十年注

文璧修改聖祠聚奎亭崇禎十二年知縣羅洪基邑

人劉文敬重修

國朝康熙三年知縣柯弼十八年知縣陳獻圖二十四年

知縣譚國樞四十四年知縣殷式訓四十七年知縣

杜光先相繼修

射圃在學東名宦祠祀宋約秦鄉賢祠祀龍邱萇社學以下五人

在縣南

衢州府

衢州府儒學在府治西嘉靖浙江通志循自唐建學於今

所宋宣和二年兵燬守高金臨重建高至臨重建衢

學舍最宏壯依郡山西隔山形如龜四跌盤峙大成

殿坐右後跌之南丙向學殿西補下移向為異宣和

庚子冬方臘竊發陷睦州次年陷發衢處獨衢遭

焚劫尤甚尺椽片瓦蕩然無遺朝廷以至臨有守信

復衢效命為守至則招集剩餘開瓦礫俾各辨居界

公私作葺舍扶持完養累月乃蘇將欲化民成俗教

養人材因謀諸眾而士之抱英偉者願共力成之初

造大成殿次造齋閣及庖廡之所靡不周備共力

之士盧定葉公弼張因吾歸徐惇禮柴邦憲陸達元

虞大一沈術沈鎬徐執剛教授鍾燮實董其成

初又燬至元十五年教授吳安朝為屋廟址之上以

祀孔子曰燕居二十一年教授徐夢龍建廟廡方逢辰重

建衢州府儒學記教授徐君夢龍以癸未秋來蒞學

事明年乃興作整刷廟前為軒庭四楹為大門八楹

又明年作兩廡東西各十有四楹即燕居為講堂堂

之東西挾以齋舍各三楹外為櫺星門周為垣墉丁

亥訖事諸生於是請記予惟學校三綱四維之所自

出所以維持人理以撐柱天地者也故其選任至重

今之祿仕者率以為冷曹而舍之徐君挾其英華果

銳之才足以行其志然不以用之他曹而求自試於

斯文之地此其所見已拔出流輩今以三年大德八

之勤卒能易榛莽而宮牆之厥功雋矣哉

年通判法台魯丁修廟學鄭鳴鳳衢州府志延祐七

年治中捏古栢修洪焱祖至正六年總管白景亮重

修明年同知崔思誠成之鄭汝厚明一統志洪武初

重修弘治衢州府志正統三年同知張琛重建大成

殿十二年知府白琮建號房十四年同知彭瑛建觀

德亭衢州府志景泰七年知府王高天順六年知府

唐瑜相繼成之吳錫成化十九年知府李汝嘉重修

章懋嘉靖十年知府李遂改建明年推官劉起宗成

之三十九年知府楊準隆慶三年知府湯仰修萬歷

五年知府陳澗修建明倫堂趙鏗三十四年同知朱

朝望改建金學曾改建衢州府儒學記郡學自唐歷

宋廟貌如昨嘉靖中克齋李公來守是郡

議稍進而右以迎江常二水之合尋以選擢行嗣公

者失公之意改西向迄今近七十年使岳夫子背辰

向夕光景不耀萬曆甲辰朱公朝望丞於衢下車謁

廟憬然日向陽明背幽闇謂乃易南而西堂高而

廟下可乎集卿大夫士庶耆老肇舉遷改鳩工集材

不踰時獲貞珉一焉一即唐李公重新郡學碑記一

印弘治乙卯太守饒公所撰諸鄉賢行略越旬廟貌崇臺丹碧黝壁煥然一新再越旬兩廡就堂齋飭泮池連漪重門平直登高眺遠浮流襟帶可俯而挹也四十四年推官荆茂實修

徐可求天啟五年知府舒崇功重修崇禎元年知府

蔡三復成之汪慶百為記十四年知府張文達重修明倫

堂造尊經閣

國朝順治七年兵道李際期知府韓養醇重修徐應秋為記十

七年知府袁國梓修余恂為記康熙三年推官孫魯十年

守道梁萬禩三十三年知府王文錦三十六年知府

張濬先後繼修四十七年知府楊廷望重建車德輔為記

射圃在明倫堂東今改為崇聖祠名宦祠祀江迪以下二百七人鄉賢祠祀

安貞以下三十六人

柯山書院在爛柯山右宏治衛州府志宋宣和間郡人

毛友子拜鄭可簡子待問隱居不仕築室梅巖扁曰

五梅巖精舍郡人徐霖仕於朝道不合歸隱著書郡守

游鈞建柯山精舍延霖開講士友羣集景定壬戌郡

守謝奕中復請衍聖公孫孔元龍為山長後燬於寇

丁丑山長徐天俊重建明年改為柯山書院衛州府

志景定間徐囊以監察御史辭祿養親率衆重興久

清獻書院在拱辰門外二里續文獻通考宋咸淳中郡守

陳蒙請於朝印趙抃故居立書院因以抃謚扁焉西

安縣志明天順三年叅議高某郡守唐瑜重建成化

間郡守李汝嘉增修宏治己未郡守沈杰立祠主祭

後祠遷於城北書院遂廢

衢麓講舍 在郡治北 衢州府志明嘉靖戊戌李遂來

率六庠諸生發明心學聯以講會士民欲承公教構

講舍

孔氏家廟 在郡城南 明一統志宣聖四十八代孫襲封衍

聖公端友從宋高宗南渡賜居衢州紹興六年詔權

以衢州學為家廟宋史高宗紀紹興八年賜行聖公

孔珍衢州田五頃奉先聖祠事宏治衢州府志寶祐

乙卯郡守孫子秀請於朝建廟城北菱湖之上後燬

遷城南衢州府志明永樂初禮部尚書胡濙奏遷廟

於郡城崇文坊弘治初知府張俊重修 羅環為記 嘉靖浙

江通志宏治十八年知府沈杰請官其嫡孫世一人

為五經博士主祀事正德十五年巡按御史唐鳳儀

疏徙府治後即故縣學址為之 謝遷為記 博士茂率其族

祭薦如曲阜

國朝康熙二十一年總督李之芳重修 李之芳重修孔氏家廟記自唐開元

後郡邑皆立孔子廟歲時奉祀至於今不廢而為孔氏家廟者獨曲阜與衢州耳曲阜之廟六飛時巡恒

循漢世祖明帝故事而宗子之承祀者爵列公侯廟堂車服禮器多存古制瞻仰者如遊三代之世尚矣

衢之有廟肇自宋數百年來東南之士不克登洙泗

之堂者俎豆羹牆於焉是寄今

皇帝御極之十三年演池弗靖閩孽繼起之芳與大師駐

軍茲城先聖闕宮靡獲寧晏今四方既平百廢漸舉

爰進庶司以商妥侑於是聖裔五經博士孔行楨廣

為募助撫軍藩臬以下咸捐貲庀材鳩工郡丞楊道

泰董其役歲壬戌八月之芳將班師武林來告成事

因展敬庭廡仰惟先聖之道如日月之在天其於廟

貌之盛衰固無與然而郵傳道路之整弛入冥境者

規治忽焉矧奕奕寢廟先聖之所憑依者乎

天子方崇儒重道以昭示海內之芳叅師帥之職保此海

邦願偕百爾君子共襄鳥革翬飛以式觀瞻且之芳

生爽鳩氏之墟去鄒魯之鄉不遠登斯堂也琴瑟管

絃之聲於是乎在使浙之士民觀感薰陶將見風俗

淳美為天下先升堂觀與者

寧必陟龜蒙而臻闕里哉

家塾在府城南衢州府志推官劉起宗以東嶽祠廢址

建鄒守益為記

西安縣儒學

在縣治西北

嘉靖浙江通志舊在禮賢門外

明洪武二年知縣何忠徙縣東宏治衢州府志洪武

五年知縣靳達建堂齋射圃正統間郡守白琮開拓

重建衢州府志正德十四年知縣張潤身遷於宋貢

院遺址嘉靖二十三年教諭譚敷遷於祥符寺址程秀

民為三十八年知府楊準重建明倫堂四十年知縣

俞大有遷啟聖祠於明倫堂東萬歷十七年知縣許

國誠修署縣事推官陳三樂成之徐一楨為記二十四年

知縣蔡天相修鄭有年為記崇禎二年知縣賀康載重修

自為記

國朝順治十一年知縣白拱微重濬泮池康熙七年知縣

李忱重修

葉南生為記

十年又修

徐之凱為記

三十年令廡

葺文廟建兩廡明倫堂

宋彝尊修建西安縣儒學記

從於城北再徙於貢院遺址復徙於大中祥符寺規制差備自耿精忠逆命六師致討屯兵於府郭久縣學牆屋皆毀惟文廟僅存梁棟亦圯會進士鹿侯祐來知縣事下車謁廟顧瞻太息乃豫為規畫俾山農之產竹木陶人之治瓦甃鍛冶之攻釘鉸者咸得以其物輸官抵井稅儲興築之具於是鳩工庀材士大夫學官暨其子弟咸率私錢為助首葺廟宇次營兩廡次建明倫堂然後繕垣牆塗丹粉濬泮池種樹廟庭經始於辛未之秋今年春二月成觀者交悅頌侯之功侯曰未也堂雖成祠與閣未備且曩時賜書未之有存者經以風道而學舍無之其可哉乃購羣經疏義凡百餘家納之廟篋以示學者噫侯之用心勤矣夫三衢固仕國也昔之言經術者若鄭灼之三禮劉牧徐庸柴翼之易徐晉卿王宏之春秋皆是西安產

也西安之俗其君子敏於事士之志於學者不少特為兵與歲所苦居無甕舍市無書肆其何所資以講習焉得侯所購之書貯於學有不相觀而善相悅而解辨其同異而博喻之者乎吾知教之所由與必自西安始爰撫其本禾而書之於石

射圃

在縣東

名宦祠

祀張潤身以下九人

鄉賢祠

祀趙抃以下二十人社學

七所四隅各一二在光遠門外一在通仙門外

明正書院

在縣治東

續文獻通考宋汪應辰及子達寓

衢郡守張皞築室居之後人即此建祠咸淳中趙孟

奎重建

定志書院

在縣學右

衢州府志萬歷中建祀贈給事張

元卿都人士肄業其中

圯

克齋講舍

在龜峰之麓

西安縣志為郡守李公遂建明

嘉靖甲子郡守鄭伯興同知薛應元通判夏寶重修

鄒守益陳九川錢德洪王畿王璣嘗會講於此

青霞書院

在拱辰門外

西安縣志康熙間為總督李之

芳建以為講學之所

蔡啟傅為記

龍游縣儒學

在縣治西

宏治衢州府志宋慶歷間始創文

廟至和初縣尉劉達元建學後燬宣和七年令邵洪

重建於縣西元至元二十一年鎮守千戶周旺重建

徐伯彪為記

至順三年達魯花赤密兒可馬重修

徐桂蟾為記

嘉靖浙江通志元末燬明洪武三年知縣劉庚重建

天順四年知縣王瓚修

商輅為記

宏治六年知縣袁文紀

復建於今所

謝澤為記

萬歷龍游縣志嘉靖二十一年火

明年知縣錢仕重建

自為記

三十八年知府楊準知縣

甘用世重建文廟萬歷四年知縣涂杰翼以外垣建

坊門三座六年知縣江濯之撤文昌祠建閣又於泮

池前濬兩湖衢州府志萬歷十二年知縣魯崇賢修

秦鳴雷為記

二十五年知縣郁德據二十九年署縣推官

王學孝縣丞潘熙文相繼修三十六年知縣萬廷謙

修崇禎元年知縣劉日曦修

國朝康熙七年知縣艾朝棟教諭黃濤修

余恂為記

十二年知

縣許瑄十九年知縣盧燦先後重修

黃濤楊利各有記 五十

二年知縣孟繼祖重修

射圃

在學南

名宦祠

祀江迪以下九人

鄉賢祠

祀龍邱萇以下一十六人 社

學

四所一在學西一在王村一在靈山一在湖鎮

九峰書院

在縣東九峰山下

萬歷龍游縣志唐侍郎徐安

貞讀書處

圯

鷄鳴書院

在儒學北

萬歷龍游縣志隆慶六年知縣涂

杰建二十一年知縣郁德據改為憲臺後改按察司

楓林書院

在縣南

龍游縣志明督學方應祥集諸生

會文處

圯

常山縣儒學

在縣治西

宏治衢州府志舊在縣治東南宋

紹聖丙子令林十建後遷於縣之西尋廢紹興辛巳

令胡伯能復舊址重建元至元甲午令李亨建成德

堂大德己亥令鄭玉增建齋廡元統乙亥令李盤重

修衢州府志明洪武七年知縣劉利用建射亭九年

知縣李希顏建膳堂十一年縣丞朱貞立東西二齋

永樂元年知縣仇經重建正統十二年知縣周文重

修

江芳為記

萬歷常山縣志成化初提學僉事劉鈺命知

縣李溥重修嘉靖浙江通志嘉靖九年知府趙可與

建於今所

鄒守益為記

常山縣志崇禎間署縣事通判湯

瑩重修

國朝順治五年署教諭丁應聘修十四年訓導夏之璜修

知縣王明道成之

孫魯為記

康熙二十一年知縣楊滌重

修自為記

射圃

在縣治東南

名宦祠

祀嚴思忠以下三十人

鄉賢祠

祀江景房以下一十

六社學

三所並

石門書院

在定陽鄉

宏治衢州府志為宋趙鼎立今遺

址存

江山縣儒學

在縣治西

宏治衢州府志舊在縣治東前俯

小河沿河為牆後以言者撤之宋紹興十四年邑令

丁昌朝闢而新之為門造飛龍橋以渡正德江山

縣志淳熙二年尉熊可量修

安熊可量為衢州之江

山縣尉始至以故事見於先聖先師之廟視其屋皆壞漏弗支而禮殿為尤甚因問其學校之政則廢墜不修已數十年矣於是俯仰嘆息退而以告於其長湯君悅請得任其事而一新焉湯君以為然予錢五萬口以是經其始熊君則編以語於邑人之宦學者久之乃得錢五十萬遂以今年正月癸丑始事首作大成殿踰月訖工棟宇崇麗貌錄顯嚴位序丹青應圖合禮熊君既以復於其長台尋吏率諸生而釋菜焉則又振其餘財以充厥事刻石門戟扁以奎文師生之舍亦葺其舊於是熊君乃復揖諸生而進之使程其業以相次第官居康食弦誦以時邑人有識者皆嗟嘆之以為尉本以逐捕盜賊為官苟食焉而不曠其事則亦足矣廟學興廢豈其課之所急哉而熊君乃能及是是其志與才為何如耶熹時適以事過邑聞其言則以語熊君曰吾子之為是役則善矣而子之所以為教則吾所不得而聞也抑先聖之言有

之古之學者為已今之學者為人二者之分實人材
風俗盛衰厚薄之所繫而為教者不可以不審焉
也予顧不足以議此子之邑故有儒先日徐公誠
者受業程氏之門人學奧行高講道於家弟子
而至者常以百數其去今未遠也吾意大山長
中隱巷窮簷之下必有獨得其傳而深藏不市者為
我訪而問焉則必有以審乎此而知所以為教之方
矣熊君謝曰是則敬聞命矣然此意也不可使是邑
之人無傳焉願卒請文以識茲役而並列之喜不得
而辭也因悉記其事且書其說如此俾刻焉既以勵
熊君且以視其徒又以告凡後之為師
弟子而食於此者使知所以自擇云爾

黃汝嘉修

章類為記

嘉靖浙江通志

元至元間達魯花赤

馬合馬徙今所

何夢桂為記

天啟江山縣志延祐初馬合

謀建禮殿齋廡至正庚寅尹宣聖五十三代孫孔淮

重修文廟戟門建講堂兩廡明洪武初知縣程鵬重

建縣丞劉有恒創射圃永樂初知縣潘銳闢東偏為

門衢州府志天順間知縣李景修修成化八年知縣

戴璋黃窩二十年知縣何澤二十二年知縣王進相

繼修之宏治八年知縣王奎正德五年知縣趙遷十

一年知縣劉節十四年知縣吳仲相繼修之嘉靖二

十一年知縣黃綸重修三十九年知縣陳湯敬修明

倫堂兩齋及號房隆慶初知縣余一龍重建明倫堂

天啟三年教諭張大基修啟聖祠六年知縣袁一鼇

重修

方應祥為記

崇禎十七年訓導梅友松重修

國朝順治九年教諭龔瑛訓導梅夢熊重修康熙六年知

縣萬里侯重建明倫堂邑人鄭文綱重建名宦祠十

八年教諭嚴曾業汪羽重建戟門二十一年教諭鍾

定訓導沈九如重建樞星門鄉賢祠二十二年知縣

修國琪建啟聖祠教諭鍾定建習安堂三十四年知

縣楊憲教諭朱長吟訓導呂際發重修四十年知縣

朱彩重建啟聖祠

射圃 在文廟西 名宦祠 祀熊可量以 鄉賢祠 祀周穎以

學 四所一在寶成寺一在海會寺一在施水寺一在靈寶經堂

景行堂 衢州府志 宋淳熙十二年知縣邵浩建

景行堂記江山縣學故有三賢堂以祀正介先生周君穎贈宣教郎徐君揆逸平先生徐君存而今知縣

事金華邵侯浩又益以故諫議大夫毛公注贈朝請
 郎毛公卓更其扁曰景行之堂而狀其事止為善來
 告曰願有記也蓋考其狀既知五君子之為行氣節
 真足以風厲當世而興起後來讀其書人莫不侯所
 以教人者備而待其人者遠也蓋王介之行信於鄉
 而對於朝其立言垂訓褒善貶惡又皆足以為後世
 法厥其事業不特見於當年然其所立已不但為一
 鄉之善士而已也諫議遭時過士奮不顧身排擊巨
 奸奪其政柄當是時天下庶幾望至治焉不幸不究
 其用而廢絕以死有志之士至今恨之然不特為公
 恨也至於叔祖罵賊不屈以明官守之義守鄉捐軀
 敵營以紓君父之急其事尤難其節尤偉而逸平受
 業程氏之門人得諸心成諸行又能推其說以教人
 儀刑音旨之傳於今猶未遠也夫以區區百里之間
 而其先賢之學行氣節可以風厲當世而興起後來
 者如此可謂盛矣昔人之祠之也其意豈不美哉然
 得其三而遺其二又限其目而不使後人復有勉慕
 企及之思也是則識者猶或病之邵侯於此乃能增
 益而葺修之且易其名以致其俛焉孳孳之意而撤
 其限以示若有待於來者是不亦教其人之備而待

其人之遠乎是可書也已抑熹又嘗竊有說焉蓋士
 有學有德而後其言行有可觀有行有言而後其節
 義有可貴此士君子立身行道次第始卒之常而不
 可易者也然人之所稟不同而其所遭亦異故得於
 身者或無以驗其事成於終考或無以考其初此論
 世尚友者所以每恨全德之難而欲擇其所從者又
 不免有多岐之惑也然則登是堂而有志夫五君子
 之事者又不可不知其所務之先後而循序以求之哉
 邵侯讀大學之書而有感於絜矩之一言其平居論
 天下事而有所不平未嘗不慨然發憤而抵掌太息
 也然則其於五君子者固已非苟知之而亦庶幾得
 其所以求之之序矣此其為學夫豈偶然而已哉因
 為之識其本末而并記
 此意以示其學者云
 明宏治八年知縣王奎重建

逸平書院 在騎石山下 正德江山縣志舊名南岩在縣

西五里宋逸平先生與朱子講道之所後廢明正德

十五年知縣吳仲改建於騎石山下易今名 朱子弔逸平詩

不到南塘久重來二十年山如鏡背翻地與馬鞍連
 徐子舊書址毛公新墓田青松似相識無語重凄然

江郎書院 在縣南郎山上 正德江山縣志宋祝維建 祀

克齋書院 在獨秀峯西 正德江山縣志侍郎徐復殷退

居學易之所宋理宗御書扁 祀

崧山書院 在長臺鎮 正德江山縣志宋咸淳中邑人柴


氏立 祀 正德江山縣志

清漾書院 在縣南 正德江山縣志鎮安毛氏建趙一

齋主之 祀 正德江山縣志

集義書院 在獨秀峯西 江山縣志宋著作郎張恪同弟

太學生正恢建 祀



仰山書院 在縣南

舊浙江通志明嘉靖間知縣黃綸

卽東嶽行宮改建

景濂書院 在石門

江山縣志明周二峰建

留齋書院 在石門

江山縣志明趙方泉建今存石亭

三益書院 在石門

江山縣志明趙洙建 地

東溪講舍 在寶成寺後

江山縣志明徐東溪講學處

開化縣儒學 在縣治東南

宏治衢州府志舊在縣治西宋

政和間令李光徙縣南 程集為記

宣和中燬淳熙乙未令

朱慶遷於溪濱元初兵燹至元二十一年令陳宜孫

重建大德元年復以水壞令曹祚建廟宇齋廡其後

延祐泰定元統至正間嘗修理明初知縣步從信修

建 魯貞為記 宏治開化縣志洪武三年知縣張高建兩齋

築射圃十年知縣畢進忠重修成化二十一年知縣

蔣績縣丞陶瓚闢而廣之宏治六年知縣程倫重建

明倫堂嘉靖浙江通志宏治十四年復燬十六年知

縣葉錄重建衢州府志嘉靖五年僉事孫從一重修

方豪為記 十八年知府李遂遷於縣東南萬曆三十三年

知縣蘇瑄復遷於望極門外鐘山之麓 徐公敬為記 崇禎

四年知縣朱朝藩重修 徐世蔭為記

國朝順治六年知縣朱鳳台修 自為記 康熙十九年知縣吉

祥重修

丁彪重修開化縣學記古者天子諸侯自國至於鄉邑皆有學凡朝廷禮樂兵刑之事無

不在其中不特絃歌洗爵養老勸農鄉射合學以修考藝選吉之政也其在詩曰矯矯虎臣在泮獻賦

出師必受戒於學反而釋奠以告成功故興崇德

日文敷定不率曰武先王寓武功於文治之

觀而習者無非干戈羽籥之事使作其氣以

往往歡欣鼓舞而不倦者所以收文武並用之

子臨雍拜道文教誕敷遠被海濫而么膺蠢動尚有

逆我顏行者康熙十三年二月閩寇告變東道孔棘

吾浙三衢界甌越之衝豁嶺險阨開化僻處

猿州將納墾戶為內應脅邑令崔君華欲以城降在

台諸生抱禮器入山野募鄉兵二萬人呼躍破圍城

遂復時制府大中丞兵部尚書李之芳奉詔移鎮姑

茂民情大悅賊眾跡本寨營北源口烽燧遙相望全

浙震動公以帷幄重臣親冒矢石勦撫互用分守梁

萬礮郡守王弘仁為制府左右手轉餉臨衝夜不解

胄戮力銷鋒中凡三載自八月已及戍不五日東浙

悉平常是時

國家承平日久父老子弟相安於春秋讀法目不見兵

革斯摩於禮義者深且厚一旦猝然有變有以激發

其忠信勇敢之氣故亂可復治而治亦垂久而無敵

獨非庠序之明效乎歸德吉祥來宰是邑觀學

為茂草捐貲庀工葺頽圯而新之因從士民請奉制

府尚書李公祠於廟梁少叅王郡守崔邑令得勅焉

勅修浙江通志

卷二十八

三

今址鼎新其制輪奐改觀

覺羅滿保重建開化縣學

國家設立學宮自京師以至郡邑雖山陬海濫僻遠之地莫不有學所以育賢才美風俗法至善也開化邑在萬山中舊有學宮屢廢屢修明萬歷間遷於城外之鍾山離縣治少遠師儒之絃歌月吉之讀法不能

勅修浙江通志

卷二十八

三

學校四

具舉於是日就頽圯官斯二者有志修復而力未逮
 邑孝秀詹錫武奉其父奎光之遺命銳意營建而學
 諭查謹偕訓導陳昕烈具文通詳經始於康熙六十
 一年三月告成於雍正元年九月積屋之楹若干而
 門序正位講藝之堂休息之廬至於庖漏庫廡咸具
 用緡錢若干落成之日請記於余余嘉詹生之孝而
 趨事之敏也因招開士而告之曰爾知
 國家建學之意豈惟是訓誥詞章以為取科名之具
 乎亦教之孝悌而已夫孝者百行之原聖人有言我
 行在孝經誠使家敦天性之愛戶有罔極之恩則風
 俗醇美修於身型於鄉達於政事舉而措之耳記不
 云乎事君不忠非孝也治官不敬非孝也朋友不信
 非孝也居處不莊非孝也戰陣無勇非孝也詹生奉
 其父之緒言揮斥多金以建此廟學爾多士來游來
 歌以瞻以儀其亦有所觀感而興起乎
 今天子以大孝治天下尤尊崇聖教以風動海內崇啟聖
 之封號加鄉會之恩科廣取進之額數其加意於學
 校者恩澤至溥而開學適成於斯時大澤將至有開
 必先育賢才而美風
 俗余於開有厚望焉

射圃

在學側

名宦祠

祀楊居仁

鄉賢祠

祀魏暮以下二十三人

學

二所一在縣東一在縣西

包山書院

在縣北二十五里

宏治開化縣志宋淳熙間汪

觀國建逍遙堂翼以軒曰聽雨與其弟杞論道讀書

其子法立書院以祀朱呂二先生後孫繼榮請於朝

賜額包山書院

址

嚴州府山書院

其子或立書院以誦未呂二夫坐於庭下聽其講

嚴州府山書院

山書院十五里 宋徽宗分縣志宋徽宗開五

學東一亦縣西

嚴州府山書院二十三人

勅修浙江通志卷二十九

學校五書院附

嚴州府

嚴州府儒學在府治西南

嚴陵志舊在府城東南宋雍熙

二年知州田錫遷於西北景祐中知州范仲淹建堂

宇齋廡嘉祐中知州趙并置田養士大觀中知州李

陞重新廟學紹興七年知州胡寅盡撤而新之嘉靖

浙江通志乾道五年張栻知州事改學門南向是時

呂祖謙為校官士得出兩大儒之門用是多有聞者

按萬歷府志云紹定淳祐中陸子適王必相繼修葺元至元末兵燬明洪武七

年知府趙士敏徙今所永樂十四年大水廟圯知府
 李興重建萬歷嚴州府志宣德六年知府徐孔奇建
 賜書樓正統三年萬觀修殿廡堂齋闢射圃九年黃
 澍建觀德亭景泰四年劉綱重修成化七年知府朱
 瞻加修二十一年同知鄺才建號舍二十三年知府
 江豫建會饌堂宏治六年李德恢建正殿吳伯通嘉
 靖三十七年韓叔陽修萬曆元年周鐸重修四年知
 府陳文煥同知林休推官周憲增修七年知府楊守
 仁建聚奎樓仰聖門

國朝康熙八年知府梁浩然重修二十一年洪水衝頽知

府任風厚重修

射圃

在文廟西

名宦祠

祀朱璟以下十二人

鄉賢祠

祀嚴光以下十二人

釣臺書院

在府城東五十里富春山下

嚴陵志漢嚴子陵耕釣

處宋景祐中知州范仲淹始創祠宇紹定戊子凶陰
 陸子適來知州事闢書院於臺下徙僧廬於東偏復
 葺高風閣置經史子集用訓迪嚴方二家子弟淳祐
 辛丑金華王必守郡始闢齋舍延堂長春秋祭而講
 習焉辛亥知州隆興趙汝歷鑿石累土以廣其地益
 以棟宇為門三間榜曰釣臺書院歷級而升為官廳
 左乃先生祠也羊裘軒客星閣悉仍其舊又以招隱

堂廢址爲燕居殿下爲門廡曰燕居之門由官廳而右爲講堂曰清風堂之北爲複屋曰遂高堂之南臨流爲閣曰雲峰煙水爲四齋曰明善希賢尚志修己爲齋亭曰會友山長堂長有位祭器有庫儲蓄有倉庖涵有所於是延致衿佩教養其間改登臺路於書院之右山腰有亭以待憩息東臺舊有亭更爲亭西臺對立相望郡捐帑五萬緡就城爲抵質庫月收其息以助養士明年知州李鏞聞於朝以州學教授兼山長循故實以四仲月率職事致祭守亦時往景定辛酉知州錢可則修治之視舊益勝客星閣久淪於

僧舍頽圯滋甚命僧撤其故爲法堂更卜爽塏於佛廬之左建焉元至正元年總管羅廷玉山長沈元鼎協力興修屋以間計凡四十有九完舊者曰燕居殿曰祠堂曰清風堂曰招隱堂曰客星閣曰山高水長閣曰遂高樓曰羊裘軒新者曰三公不換亭曰天下十九泉亭曰錦峰繡嶺亭曰東臺西臺兩亭甃登臺之路而爲門以識之又作門其外榜曰釣臺曰富春山未幾燬明正統元年知府萬觀始重建傍闢二軒東曰清風西曰高節榜其外門曰釣臺山腰仍建錦峰繡嶺亭東西兩臺各構亭宏治四年知府李德恢

撤其舊而易之樹坊表於祠堂之前視昔加偉

建德縣儒學

在縣治東

新定續志縣有聖廟圯於水宋嘉

定間邑宰陳德一卽縣門內東建廟

諸葛安節爲記

淳祐庚

戊宰惠德夫建門廡堂序

王埜重建建德縣儒學記嚴陵負山帶江爲東南佳

郡在漢則嚴先生居之在本朝則范文正公張宣公守之呂成公教之聲氣薰陶士風日盛建德附於郡惟廟祀夫子中更水毀鞠爲邱墟嘉定癸酉令陳君德一新廟於縣門之東偏然門廡齋宇未具久爲聚訟者偶語地淳祐庚戌毗陵惠君德夫來宰是邑始作儒星門以表之復白郡更十地於縣治之南而新之郡侯趙公汝歷捐帑以相其經始京尹資政趙公與憲畿漕集撰余公天任皆輸財以助其成爲齋四日尊德曰明德在於左序曰進德曰達嚴陵志元大德十年尹張紀重修
王若水爲記 明洪武六年知縣顧執

中撤舊屋而新之

鄭清爲記

宣德三年知縣侯康遠修文

廟改建明倫堂正統六年知縣張鐸創後堂甃二橋

成化八年知府朱瞻易橋星門以石柱護以興賢橋

以石欄十八年知縣鄒魯建矩矱堂號房宏治六年

知縣農猷構梯雲樓建德縣志隆慶間知縣周望徙

建於城東建安山麓

周望新建建德縣儒學記建德縣學舊創於秀山之陽宮殿湫隘俎豆弗稱予見而病之後往來於建安山下見其蜿蜒磅礴原隰平衍四顧回旋川湖襟帶得壯麗之

觀焉子曰此勝地也清淑之氣於是焉鍾二子舍其舊而新是圖蓋卜諸此諸士躋之達於三院監司咸下其議尋割榛莽伐林木命工庀材葺日興作經始於丙寅之冬踰年季夏廟先告成其齋廡廊祠以次而舉 萬歷七年知府楊守仁建聚奎樓四十年知縣

郝光輔建文昌祠

國朝順治間知縣鄭應臯張文韜修康熙十一年知縣項

一經署教諭事稽爾助創造十九年泮水傾瀉知縣

夏景松修砌二十一年洪水衝頽知縣戚延裔重修

射圃同府名宦祠祀沈瑀以鄉賢祠祀嚴光以下社

學三所一在府治西一在城富壽坊一在典仁門外東關惟富壽坊者存

義學在民建德縣志邑侯戚延裔建

龍山書院在典仁門外建德縣志舊在拱辰門外燬

國朝康熙十二年知縣項一經建於典仁門外

淳安縣儒學在縣治嘉靖浙江通志宋至道三年知

縣孫謙建紹興九年縣丞汪仔重建方湖嘉定九年

令應與權拓地建櫺星門洪嚴陵志淳祐四年知

縣趙崇蟠闢二齋五年邑士汪自明建魁星樓寶祐

二年知縣石孝聞盡撤其舊新之置東西齋方逢辰

元至元元年知縣杜明顯重建禮殿至正十一年達

魯花赤亦不刺金建明倫堂兩廡戟門櫺星門增學

田明洪武十一年知縣韓鈍建堂廡徐尊生重修淳

武十年河南韓侯魯伯來宰淳安以廟學歲久不治

謀於丞劉君思學簿張君士廉首葺正殿而增飾之

列楹外附於堂廡復簷仰繼於棖題敞受業之軒修

秀民易教易治以其淳而能安故昔人以之名縣邑
宰民之父也學官民之師也誠得愷悌之父賢明之
師子惠而誘掖之左右夾持交盡其道不特諸生業
精行成皆可以任公卿庶民亦且務本力田尊君親
上然後興崇養育之實得以下究而無窮益信其為淳而能安之俗不亦善夫
宣德三年教

諭王端重建魁星樓嘉靖淳安縣志正統六年縣丞
王永為射圃知縣洪淵市地為尊經閣未就景泰四

年知縣劉著踵成之成化元年知縣鄧廷瓚建觀德
堂六年魁星樓燬知縣王衡重建商輅為記萬歷嚴州府

志嘉靖三年姚鳴建名宦鄉賢祠三十八年海瑞建
櫺星等門增號舍隆慶二年鄭應齡置學田淳安縣

志崇禎戊寅令蕭鳴美重修大成殿茅坤為記甲申諭曹

三仕訓杜朱佐湯有望鼎新堂構

國朝順治間教諭馮紹元重建明倫堂康熙間知縣劉可

仕易殿棟梁于棟如重建兩廡

射圃在學東名宦祠祀賀齊以下十六人鄉賢祠祀方操以下三十九人

社學三所並在市坊

石峽書院在縣東北五里續文獻通考宋方逢辰講道之

所度宗手詔賜額名

柘山書院在縣東龍山鄉嚴陵志宋淳祐間黃蛻即所居

前山以為授徒講學之所

五峰書院淳安縣志宋黃蛻徐夢高徐唐佐呂人

龍讀書於此敬夫張栻題額後燬明金廷綬重修人

蜀阜書院 在縣西招賢里 淳安縣志宋儒錢融堂講學之

所 在縣西 淳安縣志宋儒錢融堂講學之

雲峰書院 在太平鄉 淳安縣志宋進士吳攀龍建後人

吳欽重建 在縣西 淳安縣志宋進士吳攀龍建後人

清溪書院 在縣東 嚴陵志明成化十一年通判劉永

寬建宏治四年知縣劉篋重修舊浙江通志嘉靖間

知縣海瑞改建城隍廟左 在縣東

仙居書院 在縣東源深洞嶺畔 舊浙江通志明商輅建

南山書院 在縣南山下 嚴陵志明按察副使邑人應顯

建 在縣東

賓興書院 在縣西印月池北 淳安縣志明知縣蕭元調建

舊名鹿鳴書院 在縣西

吾溪書院 在縣西六十里 淳安縣志明邑人徐楚致仕依

錢融堂故址東為子姓肄業所舊浙江通志嘉靖間

知縣海瑞改建城隍廟左 在縣東

蛟池書院 在縣西七里蛟池 淳安縣志明邑人王之言建

雉峰書院 在縣西 淳安縣志明邑人徐楚建後改為

雉峰社學 在縣西

高山書院 在城隍廟左 淳安縣志明知縣高秉衡為邑

人吳希哲建

龍山書院 在縣東二里

淳安縣志明進士方學龍建

瓊林書院 在縣東玉帶山左

淳安縣志明令李光德建

國朝順治十五年知縣張一魁重修

東山書院 在茶坡

淳安縣志方瑞合讀書講學處

桐廬縣儒學 在縣治東北

嚴陵志舊在西塢宋至和中令

侯叔燾徙戴家橋北嘉祐中知縣劉公臣徙於東北

之小山即今學基也宣和間燬紹興二十四年知縣

趙公侃鼎新寶慶元年知縣趙汝憚建櫺星門紹定

六年知縣趙汝驤創御書閣景定三年知縣胡太古

構會友樓嘉靖浙江通志元末兵燬明洪武七年知

縣毛道重建桐廬縣志正統元年知縣汪榮教諭劉

宇宏建成化五年知縣李琛建大成殿十八年知縣

盧昂構號房宏治四年叅政周季麟新大成殿戟門

教諭林哲甫建明倫堂正德六年大成殿燬僉事楊

惟康知縣曹珪重建十三年知縣湯漢建尊經閣嘉

靖三十一年侍御汪九齡建戟門築泮池造學路牌

坊萬歷十二年知縣楊東鼎新崇禎十五年教諭馮

公翥重建尊經閣

國朝順治十七年知縣張如璿康熙二年知縣楊可楫相

續重修十九年教諭汪曾垣修建詹惟聖為記

射圃名宦祠

祀才術以下

鄉賢祠

祀嚴光以下

學即舊稅

滄江書院

在縣西北十五里

嚴陵志唐比部方勛之別業

宋名儒方慤之故居也明徐舫藏書千卷隱居其中

自號滄江散人

王稗滄江書舍記滄江書舍徐君方舟之所居以讀書者也桐廬濱江為

縣君居在縣北距不百武而近蓋唐比部方公勛之別業而宋名臣方公慤之故居君聞來屬余為文記其舍壁大書之在天博且廣矣聖人之經儒者之傳諸子百家之著述歷代太史之紀錄以及天文地理陰陽曆律兵謀術數字學族譜之雜出敷落旁行虞初稗官燕談臚語之並與其為說不同為教亦異而其為書類皆學之所當讀而通之者也雖然學問無窮歲月有限誠有不可觀而盡識者惟聖人之

之經則弗可以莫之究也是故易以明陰陽之理書以紀帝王之政詩以道人之性情春秋以示世之賞罰禮以謹上下之節文樂以通天地之氣運凡先王之道所以立天下之大本先王之制所以成天下之大業者皆於是乎在然自厄於秦訓詁於漢聖遠言湮愈博而愈失時異事易愈變而愈非其流弊有不可勝言者矣千數百年宋河南程子關中張子者出始克實踐精討而聖賢明德之要帝王經世之規所以垂憲後世者乃大有所發明其後朱文公張宣公呂成公一時並興而當其時如永嘉薛氏鄭氏陳氏葉氏閩中林氏永康陳氏後先迭出各以所學自成其家大抵均以先王之道為已任以先王之制為必行而所以立天下之大本成天下之大業者咸粲然方冊間矣及於今學者顧因循先講習既明之餘因循苟簡承前襲舊習矣而不察行矣而不著甚者以先王之道為莫之可行以先王之制為無所於用夫然則書自為書人自為人而學為空言矣此其為弊不有甚乎是故學者之於經不可徒誦其文而已也必將求其道以淑諸身明其法以用於世蓋惟誠求而實見篤信而力行然後知人之貴果可以為聖

賢果可以位天地育萬物而所學不徒為空言也予夙有聞於此竊嘗有志而願學焉比與君定交錢塘辱遣其子膺從予遊會亟東歸不得與之相講習故因道予所聞者書以授膺以復於君并請揭諸舍壁以為

藍田精舍

在縣西北四十里藍田山上

嚴陵志宋時里人姚世

傑讀書之所

崇正書堂

在縣治北城隍廟之西

桐廬縣志舊名鏡塘書院

明嘉靖三十五年知縣吳紳改建萬歷元年本府推

官周憲重修

鳳鳴高閣

在桐君山

桐廬縣志明萬歷五年知縣李紹

賢創諸生會課於茲

遂安縣儒學

在縣治西

嚴陵志舊在縣南宋嘉祐中令李

廷芝廢長壽僧院以易之熙寧中都以其室還僧乃

遷先聖像於院之西廡元豐三年通判劉士彥即監

征廨舍以建崇寧中詔州縣建學即廟為之紹興八

年邑人詹至率其里人哀金請於令林待問新之新

定續志紹熙癸丑邑民徐嘉師弗戒於火因獻地鳩

工於縣西改建嚴陵志明洪武三年知縣張元吉建

大成殿宣德七年教諭陳資善重建明倫堂正統三

年縣丞胡海建魁星樓七年知縣王傑創文昌祠天

順三年知縣成禮重建大成殿

商輅重建遂安縣學大成殿記遂安為嚴

善邑風清俗醇夫子之道如布帛菽粟固已家衣而人食而廟學之設所以扶植斯道而化誘人心者也自宋至今建置修葺之功屢矣而歲月滋久風雨飄零凌河間成候禮來宰是邑亟謀所以興造之適徽款商人販木過縣欣然樂助善材百株於是捐俸鳩工重建大成殿戟門額地更而新之泮池砌以石橋欄星門易以石柱門外闢地百步為直道祭器樂器之缺者補之宰牲神廚之廢壞者整之師生衙舍之未修者增之經始於天順已卯之春不踰年而告成是役也任其責者令也相之者縣丞王大本主簿楊榮典史施惠贊之者教諭鄒宗道訓導李靜李春於是廟學一新諸生絃誦之聲倍於往昔令可謂知所重

萬曆遂安縣志成化九年知縣張獻斥廢寺地益

之十年知縣朱福重修大成殿二十年教諭蕭玉修

嘉靖二十一年節推

陸愚署縣事重建明倫堂唐龍為記隆慶四年知縣周恪

拓地鑿池建青雲樓江尚寧為記六年吳揚謙重建啟聖

祠大成坊置宰牲房詹理為記遂安縣志萬歷九年知縣

王道年重修廟廡建櫺星門石柱詹理為記十三年知縣

林大柱訓導蔣大祿於泮池外鑿文林湖二十年知

縣林守典重建文廟自為記三十一年知縣馬呈鼎重

修毛一公為記三十四年知縣詹爾達續修增學田毛一公為記崇禎二年教授

楊時熙改青雲樓為文昌閣

國朝順治十一年知縣高爾修重建戟門十五年知縣錢

周鼎重建明倫堂增置祭器康熙三年知縣姚永康

重修先師廟及兩廡名宦鄉賢祠二十五年知縣何

偉重建先師廟毛際可為記四十八年知縣陳學孔重修

自為記

射圃祀路敬潛名宦祠祀詹至以下六人鄉賢祠祀詹至以下七人社學二所

俱在城

獅山書院在縣治東萬歷遂安縣志宋狀元詹騃故址

其後有巨石屹蹲宋時建亭其上名狀元臺明即其

地為公館隆慶六年葺為書院

瀛山書院在縣治北四十里萬歷遂安縣志宋熙寧間邑

人詹安闢其孫儀之與朱子論學於此朱子有半畝

方塘一鑑開之句明隆慶三年知縣周恪訪名賢遺

蹟重建王繼為記

國朝順治間知縣高爾修錢周鼎先後修葺

壽昌縣儒學在縣治東嘉靖浙江通志宋初在縣南建炎

間徙今學稍東新定續志嘉定己巳知縣鞏嶠置田

以贖士徐邦憲為記嚴陵志元乙酉尹李炳重建明

倫堂尉李思誠建兩齋癸巳知縣王瑞重修何夢桂壽昌縣

儒學記壽昌為嚴中邑邑有庠傳矣宋建炎二年規

制有加焉至元丙子寇燬民室廬俱燼惟夫子宮牆

巋然為魯靈光天也甲申邑令李炳詔至之明年首

撤明倫堂而新之尉李思誠復建兩廡齋堂廚滷悉

具又建大成門翼教堂高明亭左翼茶廬右翼琴室

登眺者於斯遊息者於斯而後章甫縫掖翕然知所

歸矣惟大成殿費夥未及議令王瑀諭於衆共圖之
經始於壬辰之三月落成於癸巳之七月視舊制崇
五尺加廣亦如之令吳恕復新像十哲繪七十二賢
凡欄楹門牖之未完者至是悉完邑長八札簿元彌
劉守中尉梁政典史湯璧學官邵尚翁
洪克復徐拭成山資相役以底厥成績
明洪武六年

知縣彭子冲撤而新之建尊經閣關射圃
方道敬所為記

統三年知縣范衷建會饌堂展學前地十四年

邱城教諭鄭文義拓之景泰六年知縣張瑄移學於

西天順六年縣丞譚遊易櫺星門柱以石成化十三

年知縣朱琳改建魁星樓嘉靖浙江通志宏治十五

年知縣王紳徙今所
按壽昌縣志作正德四年督學趙寬徙壽昌縣志

嘉靖元年知縣江湍為泮池建名宦鄉賢二祠十七

年督學陳儒拓之三十九年知縣李思悅大加修造

萬歷嚴州府志萬歷五年知縣馬洛拓新之二十六

年知縣黎時中建尊經閣

國朝順治十二年知縣陳九德新廟廡康熙九年知縣杜

桂重建明倫堂啟聖祠康熙十一年知縣羅在位重

修

射圃
在明倫堂西康熙十年訓導張熙新闢名宦祠
祀范衷以下四人鄉賢祠

祀周文育以社學
在城隍廟西

青山書院
在縣西南十里壽昌縣志唐隱君翁洮建

默山書院
在縣西南二里默山嚴陵志宋慶歷間校書郎胡

楚材建在縣東

岑山書院在縣東二里

岑山

嚴陵志宋國子監丞鄭彥建

久

蓮谷書院在縣北

蓮谷

壽昌縣志明國子監助教洪鼎

講學處嘉靖庚申邑侯李思悅扁曰蓮谷先生書院

久

分水縣儒學在縣

治東

新定續志舊在縣治西宋治平間

令蘇穀遷縣治東宣和兵火廟獨存紹興間知縣李

端民始置門廡後知縣章涓創講堂嚴陵志明洪武

三年知縣余得賢重建正統五年知縣陳貞重建明

倫堂十二年知縣李觀建魁星樓成化二十年知縣

李楫重建文廟兩廡及號房泮池

商輅為記

嘉靖浙江通

志正德十六年知縣顧瑛徙縣西嘉靖十五年知府

吳世澤知縣林繼臯復徙今所

國朝順治十六年知縣高宏緒康熙二十年知縣李榮教

諭錢世瀧重修

射圃在縣坊

名宦祠祀金師古以下四人

鄉賢祠祀王縉以下十一人

社學

久

興賢書院在城隍廟左

分

分水縣志明嘉靖間令徐鑑建

萬曆三十二年令盧崇勳重建

志學書院 在縣左 舊浙江通志明萬歷二年知縣徐

鑒建 書院 嘉靖浙江通志

溫州府

溫州府儒學 在府治東南 嘉靖浙江通志晉太寧初立永

嘉郡學於華蓋山麓宋天禧三年知州葉溫徙故九

星宮址以為今學治平二年火熙寧初知州周延雋

徙州治西南元祐五年知州范响復今所紹興十年

又火知州程邁建嘉定七年劉茂潛修 葉適為記 元延祐

間總管趙鳳儀重建稽古閣至正末兵燬萬歷溫州

府志明洪武四年郡守湯遜重建成化丙午郡守項

澄修文廟建明倫堂嘉靖浙江通志宏治十三年知

府鄧淮增築學舍嘉靖十三年知府郁山建明倫堂

王激為記 萬歷溫州府志萬歷七年郡人叅政王叔杲重

建堂舍 李維楨為記 溫州府志萬歷三十一年邑人王光


美重建尊經閣

國朝康熙十一年巡道許重華陳遇主率屬同修教授李

璋率諸生黃芳卿等重修尊經閣二十三年巡道楊

懋緒諸定遠率屬重建

射圃 在舊小教場 名宦祠 祀王羲之以下三十四人 鄉賢祠 祀王景山以下七十人



東山書院

在城南積穀山下

舊傳謝靈運讀書故址巖石

上鑄白雲春草四字前為謝沼沼旁為池上樓奇峰

翠削古木森羅為城南最勝

國朝雍正七年分巡溫處道王歛福建康樂祠三間九年

巡道芮復傳捐俸千金購民地闢為書院由謝祠入

徑顏曰名教樂地中為閑存堂三間後為靜虛齋齋

西為進修軒軒前有池池上結屋三楹題曰塵襟可

滌入門峭石壁立上有天泉口僅如甕不竭不溢味

極甘冽樓榭廊廡齋舍庖湏罔不具備次年落成又

於山巔建大觀留雲二亭復捐置塗田二頃供諸生

餼膳以垂永久

永嘉書院

在府城西南

續文獻通考宋淳祐中建中泰

宣聖燕居像東室祀伊洛諸儒西室祀鄉先賢

永嘉縣儒學

在縣治東

萬歷溫州府志漢晉唐時惟立府

學宋元祐三年令吳君平始建縣學於今址紹定間

令洪備於廟後建堂元縣令蕭玉宋也先王安貞相

繼改建嘉靖浙江通志延祐元年尹何玉趙搭納重

建

柳貫為記

萬歷溫州府志明洪武元年郡守湯遜令韓

鈞修闢二十八年令李廷珪創先賢祠因闢地通街

宣德間毀於颶風邑人戴文堡林斐黃福昌同建何

淵為 正統二年令周紀修黃淮永嘉縣學記溫郡城內外有九山晉郭璞以為

上應北斗城東曰華蓋星之次為文曲縣學在其麓

人咸宜之廟學有年興廢不一近歲颶風大作頽敝

滋甚前守何公文淵經理修葺功將就緒而有陞擢

之命未幾復為風所撓門廡加損禮殿棟梁亦就斂

仄正統丁巳春今太守劉公謙來視學謀於衆鳩工

庀材擇日興作知縣周紀承命惟謹於是新文廟兩

廡改創文昌先賢二祠於中門之右與文祠於學門

之左闕三月訖工舍菜告成淮亦忝預班列因屬筆

為記淮聞地因人勝古有是言吾郡巨儒如宋王先

生景山於伊洛未作之先即倡明理學是後若周恭

叔劉元承元禮皆承伊洛正傳吳正仲之論諫葉正

則之宏博蔡行之之不避權奸薛士龍之明於料敵

其餘更僕不能盡述宜乎學士虞文靖公目為杞梓

茂林鳳麟靈固豈非地因人勝之謂乎諸生仰荷聖

朝培養之深恩承郡邑官僚作興之嘉惠當思報稱

斯為無不心以禮義廉恥為立身之大端切劘淬厲

以就其德器朝益暮習以充其才識奮然以前修自

期祀梓鳳麟殆將復見於今日豈特華蓋文輝增輝

而已 成化十八年令文林闢地重建明倫堂宏治十

年令林廷獻購地重建令汪循成之李東陽永嘉縣學記縣學自宋

元祐間歷至國朝興替不一顧其舊址後偪道院前

迫民居既隘且敞不稱為施教地前知縣林君廷獻

圖為改作拓其故而新之首建宣聖廟及左右廡尋

擢貳蘇州不果畢而去新安汪君循繼知縣事踵成

之於庭之前為戟門旁隙地為庖為庫而廟成又為

堂及左右齋旁為號舍前為泮池而橋其上又前為

儀門而學成又為名宦鄉賢二祠於學之兩偏凡木

石瓊甃之材金碧丹堊採繪之餘繩殿剝斲構結焚

築之用選堅擇良精極壯麗數 嘉靖十五年令李不

顯重修四十年廟門及啟聖祠圯四十五年巡按龐

尚鵬郡守李廷觀令程文著重建萬歷六年邑人王

叔果捐貲通修詹萊為記溫州府志萬歷十四年令蔣行

義建文昌祠萬歷溫州府志萬歷三十二年叔果子

光蘊光薦加修姚永濟為記

國朝康熙八年颶風作盡拔明倫堂廊廡教諭樊遇諸生

黃象鼎等以學租重建十七年訓導蔡啟份重建儀

門副使高培知縣鄭廷俊造省牲所二十一年教諭

王維新訓導蔡啟份監東廊砌甬道

射圃名宦祠祀蕭景以下二十四人鄉賢祠祀王景山以下七十一人社

學在城十所在廟四所在鄉十八所

東山書院在華蓋山上萬歷溫州府志宋王儒志講學

所圯

鹿城書院在縣東南萬歷溫州府志明郡守鄧淮建吳寬

為記萬歷十六年郡守衛承芳重建二十四年郡守劉

芳譽新之

雞鳴書院在縣學文廟西萬歷溫州府志邑令林廷獻建

萬歷十四年令蔣行義重建二十四年令林應翔重

修改曰文昌會館

芙蓉書院在開元寺萬歷溫州府志郡人侍郎王瓚讀

書於此有芙蓉五月先花遂聯魁及第故名

貞義書院在五都姚溪舊浙江通志明郡人大學士張

孚敬奉勅建

松臺書塾 在榮恩堂右

舊浙江通志明郡人張孚敬建

樂清縣儒學 在寶帶橋南

嘉靖浙江通志宋初在望來橋

東南治平間令焦千之修 自為記 崇寧三年遷望來橋

之西紹興初火五年尉吳芾徙臥龍坊萬歷溫州府

志紹興十五年令趙惇臨拓基址 林季仲為記 淳熙中令

袁采重建嘉靖浙江通志元至元三十一年尹鄭王

徙今所至正末兵燬明初知縣張具瞻鄔珏王仲璋

胡均謙相繼修復萬歷溫州府志永樂十六年教諭

黃黼建文昌祠宏治八年推官周珙重鼎新焉嘉靖

二十年令歐陽震建名宦鄉賢二祠二十八年殿毀

於颶風令楊鑰重建令賀賁踵成之隆慶五年令胡

用賓建啟聖祠萬歷間令胡汝寧重修 侯一元為記 二十

一年張子理復新之 張清明為記 樂清縣志天啟間知縣

胡良臣修崇禎五年明倫堂火令宋光黼重建

國朝康熙十二年令出一駟訓導姜應珪重建文廟明倫

堂啟聖祠教諭吳讓木建東西廡訓導王沆重建文

昌閣

射圃 在縣西隅 名宦祠 祀焦千之以鄉賢祠祀王十朋以下三十五人

社學 在四隅四所在鄉都三十四所

宗晦書院 在縣治東 明一統志宋建舊名藝堂書院內

祠朱文公咸淳中改名宗晦

梅溪書院

在縣東隅

萬歷溫州府志即王忠文祠

國朝雍正六年知縣唐傳銓重修并置塾田以贍士

鴈山書院

在內谷西

萬歷溫州府志邑人朱守宣請建

平陽縣儒學

在縣治東南

明一統志宋慶歷中建萬歷溫

州府志元祐間遷鳳凰山下邑人陳彥才之父獻已

業為學基令沈悚建學寶祐四年令陳容修

劉居安為記

萬歷平陽縣志咸淳丙戌縣丞喬大有建大成殿元

升州學明復為縣學宣德間颶風壞殿令章惠重建

天順間令王淮成化間令王岳宏治間令王約楊楷

屢增葺之嘉靖五年知縣劉錄建講堂二十四年知

縣彭謹建射圃嘉靖浙江通志嘉靖三十一年知縣

張仲孝重修

薛應旂為記

平陽縣志萬歷癸卯知縣汪寬

改向轉移崇禎甲子知縣聶于勤更復舊向

國朝順治庚寅教諭莊麟先修祭器明年與知縣馬騰霄

新廟堂十七年推官嵇宗孟偕教諭嚴有德移泮橋

於儒學門外建大魁閣康熙十二年知縣石金和重

修二十二年知縣吳永申教諭葛殿禎重修二十八

年教諭沈雍修明倫堂

射圃

在儒學東

名宦祠

祀汪李良以下四十五人

鄉賢祠

祀黃友以下三十人

學 在城六所在鄉五十

會邱書院 在南 舊浙江通志宋陳經正經邦讀書

處朱文公題額

正學書院 在嶺 萬歷溫州府志嘉靖九年令馮彬

建設宋元明先賢十一人像十六年署縣事推官李

夢祥改名東山書院 在縣

瑞安縣儒學 在縣 嘉靖浙江通志宋初建崇寧間徙

江濱政和六年令蔡景初復徙今所 許景衡瑞安縣

有詔郡邑皆立學置師弟子員錫以餼廩校其行藝

而升貢之有司奔走從事瑞安為溫之支邑廟孔子

於縣治之東而迫隘不足以容多士徙於南江之濱

山川風氣散漫不收潮濤泛濫牆宇圯壞神人靡寧

邑人願復故址政和五年春具以告郡守劉公從之

邑令蔡景初為之規畫而丞張宇發實領教事乃斥

舊址廣袤三倍撤昔構之身陋腐敗者凡為重門兩

廡殿以嚴像設堂以肄講習齋以處學者累屋為閣

以儲經史落成之日稚者和會瞻仰稱嘆世之來學

者日益眾丞善教導士既知勸乃相與伐石請書其

事 紹興十三年令王閻修淳熙十三年令劉龜從修

陳傳良 嘉定四年知縣黃葵重修 葉適 元元貞元年

為記 陞州學知州楊承式三寶柱屢加修至正末兵廢明

洪武二年復為縣學知縣王泰魏本劉魏相繼修復

萬歷溫州府志嘉靖丙午令王士翹遷文廟於明倫

堂左壬子令劉畿建尊經閣名宦鄉賢二祠萬歷甲

修復瑞安縣志崇禎乙亥文廟火教諭沈君禎倡士民重建

國朝順治十四年知縣譚希周訓導朱綸重修康熙二十

二年教諭王者香率諸生建明倫堂知縣周啟元范

永盛先後助之

射圃

在東門內名宦祠

祀蔡敬則以下一十三人

鄉賢祠

祀林石以下三十八人

社學

西峴承豐南社嘉社各一

心極書院

在崇泰鄉仙巖

萬歷溫州府志宋陳止齋讀書

所明嘉靖甲寅令劉畿重建

仙巖書院

在崇泰鄉

萬歷溫州府志大學士張孚敬建

久

華陽精舍

在仙巖寺左

萬歷溫州府志郡人王叔果叔

杲建

羅山書院

在仙巖墟前

瑞安縣志明張孚敬建

址

綠芸書院

在城東廣福寺北

瑞安縣志明教諭沈肇基集

諸生課藝於此

泰順縣儒學

在縣治南

嘉靖浙江通志舊在縣西明景泰

三年建

邢寬為記

萬歷溫州府志宏治乙酉推官周瑛令

范勉教諭王鑾改遷三峰寺右

潘琴為記

嘉靖十年令劉

友德以舊軍營地易太平橋王賓王寵住基遷學三

十三年令蔡芝以學後無主山又以學地與三峰寺
易因寺爲學宮殿廡齋舍規制俱完隆慶三年令吳
敦本建名宦鄉賢祠又建土地祠宰牲房崇報祠以
祠前空地爲射圃泰順縣志萬歷辛丑知縣張鏡改
今所劉光復三遷泰順縣儒學記泰邑在景泰初爲
相寇竄連盤據之所維時洪都德興孫原貞公
撫浙躬率兵而深入其阻耀德明威奏割瑞平二邑
之里設立泰順縣建學弘化頓成樂土縣在山僻學
址二遷俱未妥葺庚子視縣治之南水遶山迴卜云
其吉前任吳門張公工始興而輒去今洎宗孫公繼
之卽原貞公六世孫也得是邑而喜曰泰邑先公所
創立泰民先靈所培植報國率祖其在茲行乎見貴
宮未就捐貲以佐緩急士民德公無不子來趨事踰
載而殿廡堂舍暨櫺星坊表泮沼牆垣靡不煥然改
觀余惟原貞公之寧亂冀渤海不能過也洎宗公之
重學蜀文翁未多讓也祖孫踵武澤以世長宜民之

不能
忘也

國朝康熙九年知縣林天禎訓導金鉉度重修四十年知

縣曹紳訓導吳若庚重修先師廟

射圃

在學
東

名宦祠

祀郭顯宗
以下八人

鄉賢祠

祀林待聘
以下六人

社學

一十二所在一都二都各一在三都二
在五都三在六都七都各二在八都一

中村書院

續文獻通考宋淳祐中吳子良建

侯林書院

續文獻通考宋淳祐中吳子良建

羅陽書院

在城隍
廟南

萬歷溫州府志嘉靖間推官魏

一恭令劉友德建

祀


處州府

處州府儒學 在府 治南 栝蒼彙記初學在釋山之巔唐元

和中李鄴侯繁來守新孔子廟設講堂 韓愈處州孔子廟碑自天子至郡邑守長通得祀而徧天下者惟社稷與孔子

為然而社祭土稷祭穀句龍與棄乃其佐享非其主又其位所不屋而壇豈如孔子用王者事巍然當座以門人為配自天子而下北面跪祭進退誠敬禮如親弟子者句龍棄以功孔子以德固自有次第哉自古多有以功德得其位者不得常祀句龍稷孔子皆不得位而得常祀然其祀事皆不如孔子之盛所謂生民以來未有如孔子其賢過於堯舜遠者此其效與郡邑皆有孔子廟或不能修事雖設博士弟子或役於有司名存實亡失其所業獨處州刺史鄴侯李繁至官能以為先既新作孔子廟又命工改為顏子至子夏十人像其餘六十子及後大儒公羊高左邱明孟軻荀况伏生毛公韓生董生高堂生揚雄鄭康成等數十人皆圖之壁選博士弟子必皆其人又為置講堂教之行禮肄業其中置本錢廩米令可繼處以守廟成躬率吏及博士弟子入學行釋菜禮者

老嘆嗟其子弟皆興於學鄴侯尚文其於古記無不貫達故其為政知所先後可敬也已乃作詩曰惟此廟學鄴侯所作厥初靡下神不以守師生所處亦窘寒暑乃新斯宮神降其獻講讀有常不誠用勸揭揭元哲有師之尊羣聖嚴嚴大法以存像則孔肖威在斯堂以瞻以儀俾不或忘後之君子無廢成美琢詞碑石以嘉靖浙江通志宋景祐間守孫沔徙今所按贊攸始陳孔頴文廟記云威敏之來實景祐四年迨宣和三年席某已至栝蒼彙紀作康定初悞宣和三年兵燬五年守黃葆光重建紹興十三年守黃禎闕六齋郡人尚書梁汝嘉捐地相之二十五年守鄒翊作櫺星門咸淳七年守李雷奮重建講堂元至元三年總管盧景修廟學崇禎處州府志至元二十七年幹勤好古修明正統七年推官黎諒鼎新大成殿景



泰四年知府張佑重建明倫堂天順五年知府馬偉
重建大成殿成化元年知府周祺創退省堂增築號
房十八年參議張敷華僉事江孟綸又大新之二十
二年知府郭忠修建正德十三年知府林富購地增
拓之萬歷二十年同知陳其志修呂鳴珂二十八年
知府李淳重修李誌四十二年知府鄧士昌重修明
倫堂王一中四十七年知府陳見龍重修文廟王一中
記天啟五年同知廖鵬舉相繼重修崇禎八年大水
牆垣衝塌巡道諸葛羲修葺

國朝順治七年署府推官張元樞重修康熙十六年知府

線一信十八年知府李率坦先後重建康熙四十九

年壞於風雍正三年督學彭維新重建七年知府姚

鈴建崇聖祠

射圃

在名宦鄉賢祠後

名宦祠

祀李邕以下三十九人

鄉賢祠

祀周明以下六

十五人

義塾

在郡治南

紫陽書院

在府治南舊為城隍廟

楮蒼彙紀明嘉靖三十四

年知府高超改創

南明書院

麗水縣志康熙三十年知府劉廷璣建

麗水縣儒學

在縣治西南擇山之巔

嘉靖浙江通志唐刺史李

繁建以為州學宋守孫馮別建州學此為縣學宣和

間燬紹興十三年令王筠重建栝蒼彙紀元至元二

十九年尹韓國寶以釋陡絕而太學吳海捐地築平

建明德堂林千之為記明成化間叅議張敷華僉事江孟

綸重修嘉靖間知縣吳梓闢學前民居鑿池崇禎處

州府志萬歷二十年知府任可容修自為記二十八年

知縣鍾武瑞建文昌閣鄭汝璧為記天啟三年巡鹽御史

傅宗龍修王一中為記

國朝康熙十八年知府李率祖知縣王秉義重建

射圃 名宦祠祀林業以下九人鄉賢祠附府學社學七所一在望京

門一在通惠門一在栝蒼門一在南明門 義塾在圭山

青田縣儒學 在縣 治東 明一統志宋崇寧中建嘉靖浙江

通志宣和兵燬紹興九年令艾若誠重建元末復燬

明初知縣耿亮建宋廉重建青田縣儒學於青田處

寧中迄元至正之末餘二百載而燬於寇全臺耿君

亮來為縣展謁焉則斷礎荒條交錯於頽牆之間於

是捐俸為倡縣人十惓然和之輸粟薦貨各視其力

為差耿君親自督勸至廢寢食厥材孔嘉厥石雜堅

廟殿崇雄講堂清邃戟門有嚴齋廡翼如皮書之樓

貯粟之庾漏房燹室以次而就續以周垣覽以修塗

始則舊基迤山斜迤而傾桓病狹隘今則葺石為級

拓而弘之環學之地編氓所業今則悉購入之西有

方塘歲久塵塞今則浚而沼之經始於庚子之歲冬

十一月乙亥訖工於辛丑歲正月辛未復聘名師廣

招弟子員日申五倫之教蔣子先開而樂之相率割

田為養士之助而學之制大備因紀事之成繫之詩

曰維栝建州萬山鬱環賦家定譽制於青田義義學

宮跨山為址伊誰構峙一夕而燬韓歐之區廟為草

功參折上通志 卷二十九 學校五

兼白煙京廳妻其四休耿君之臨揚焉是懼曰此教
原可使淪墜乃刻其駭乃拓其基乃攻乃治樹功以
時有殿有堂有齋有序有庖有廩其列楚楚士之來
遊既嘆且言昔也荆榛今也立簷發政之機實存與
學等云葭葦應于葦葦風雨瀟瀟鷄鳴膠膠不隨世
遷唯道之操泮宮之修詩人頌魯後勒貞珉以詔于
古
粘蒼彙紀宣德間御史楊鐸重修潘畿為記正統

論張本捐俸建大成門築露臺徙學門開山路

化丙戌知縣盧傑重修嘉靖戊午燬於寇知縣李楷

移福勝寺址并買民基足之癸亥知縣丁一中復建

於縣東之舊基拓東城抱學於內何鍾為記崇禎處州府

志萬歷二十四年知縣林翰英重修二十七年洪水

衝壞學後城三十九年知縣方淡然修城改築於舊

址青田縣志天啟元年教諭鄭奎光建文昌閣

國朝順治六年燬康熙十一年邑紳士捐資於故址重建

十九年火二十年知縣張皇輔復行創建鄭載殿記

射圃在學西名宦祠祀劉芹以下鄉賢祠祀陳汝錫以下

社學在泮池西記

石門書院在縣西七十里石門洞續文獻通考宋淳熙九年

朱文公提舉常平至此欲居之元至正中廉訪副使

王僕始即謝客堂故址建久

湖山義塾在十都青田縣志明季伯益立劉基湖山義塾記青

田之山其上四十里有泉匯而為潭由潭入谷十有五里是為高湖之源其上多奇峰絕巘大木之所盤

鬱獻奇納秀故士多俊彥室常殷阜季氏其一也有名謙字伯益者好學尚義其家日裕乃謂其人曰人孰不愛其子孫而不知所以愛之者今有良田美宅綿亘阡陌堆金聚帛充斥棟梁自以為用之不竭享之無窮也一旦光銷影鑠而無纖芥之留者何耶驕淫生於富溢而縱欲敗度之子常由不悟前人成敗之跡而自視侈然大也及其顛連困厄於垂老之際徬徨無所容其身雖欲效織蒲補履以食其餘年且不可得若是者雖其人之不肖抑亦其父兄處之不得其道也今予幸藉先人餘業以自免於凍餒未嘗不惴惴於吾身况能保其子孫故願制產以肇建讀書之所延名儒為師以訓子弟以及姻族之人咸使知學大則修身齊家以用於時小亦不失為鄉里之善士不亦可乎乃築於其居之側以為堂設孔子像旁列齋舍翼以廊廡繚以周垣買田若干畝給師弟子之食萃其族之子弟悉入學焉於是衿佩衣裳肅肅有容弦誦之音藹藹旁達入其鄉者莫不感嘆而悅慕若季氏者真知愛其子孫哉由是達於一鄉一邑以播於天下使人人聞而效其所為將見比屋皆為賢士大夫而愚不肖者寡矣邑人洪應求道其事

於予且請為之記予既樂鄉里之有善人而又嘉洪生之樂道人善也故喜而書之

混元書院

在混元峰之麓

栝蒼彙紀明嘉靖間因點易亭

遺址建書院祀陽明先生

心極書院

在大鶴山

栝蒼彙紀明嘉靖癸丑提學阮鶚

作心極圖繫以心問一篇頒示浙學知縣李楷即舊

府館改建

新建書院

舊為府館

栝蒼彙紀明萬歷丁丑知縣梅特

兩改建

瑞龍書院

在混元峰下

舊浙江通志明嘉靖間知縣徐

瑛建

縉雲縣儒學

在縣治東

嘉靖浙江通志縣故有孔子廟唐

上元元年令李陽冰修宋慶歷四年尉毛維瞻重修

治平中令張簡翼建學宣和三年燬七年令吳延年

重建元至元十四年復燬二十七年簿吳樟建元末

又燬明初知縣劉澤民建栝蒼彙紀宣德二年知縣

陳京重修嘉靖二十六年知縣周世遠復開拓新之

田汝成為記

崇禎處州府志萬歷四十二年知縣曾孔遇

署教諭繆伯昇重修四十五年推官李天培重建

李誌為記崇禎間火知縣陳世忠重建

國朝順治五年燬七年知縣項始震建先師廟十七年知

縣汪宗魯建明倫堂康熙十三年寇燬二十年知縣

霍維騰教諭張尚乘訓導陳獻御重修明倫堂二十

二年霍維騰重修先師廟建兩廡啟聖名宦鄉賢土

地祠及泮池櫺星門

射圃

在仙巖寺後

名宦祠

祀李陽冰以鄉賢祠

祀胡份以

下三十一人

社學

在龍津橋南久地

獨峰書院

在縣東三十里

續文獻通考朱文公至此愛其

山水似武夷嘉定中郡人葉嗣昌建

美化書院

在縣東六十里

續文獻通考朱文公講道於此

嘉熙中縣尉陳實建

松陽縣儒學

在縣治東南

明一統志唐武德中建栝蒼棗

紀宋宣和三年燬建炎時知縣徐彭年重建唐閱繼

葺紹興間王淑毛密增修

吳祇若為記

乾道紹定淳祐間

知縣劉唐褒王圭高彭更相修飾元元貞二年赤蓋

顯忠撤舊更新至大四年主簿王友從加修嘉靖浙

江通志射圃侵於民洪武三年復

蘇伯衡松陽縣學射圃記松陽之有

學學之有射圃蓋自宋紹興始元時凡民不得持弓矢故射息而圃亦廢豪族因侵而有之踰八十年有司漫不加省皇帝即位之明年詔郡縣皆興學置師弟子員而講習乎六藝射圃之復維其時矣令王君會徵赴京師事格不行而提刑按察僉事張公行縣適至乃為按圖籍凡學地之占於民者悉復之正其疆界夷其畛域樹垣以繚之正君歸謂部使者祇承德意返故地於久壤之後幸惠斯文甚厚宜有以示

後人夫侯以明之此舜之學政也其人之賢不肖觀其射之中不中見焉故以射致衆衆致而後論士是

以三代率由之昔孔子射於矍相之圃觀者如堵使弟子揚解而致黜者三則僅有存者夫學莫大於射

也尚矣矧國家方修文教而捨古定制焉則射圃之復夫豈細故哉崇禎處州府志正

統三年教諭錢謐建奎文閣

張祝為記

萬曆十年知縣張

賽改建於郊外三十一年知縣劉幹正徒復舊址

鄭懷

魁為記

崇禎二年署縣事通判許有寰重建知縣楊應

華成之

王一中為記

松陽縣志崇禎五年知縣楊應華建

啟聖祠十七年知縣張建高建尊經閣

國朝康熙十八年知縣張景留重建

射圃

在學東

名宦祠

祀陳俊卿以下一十六人

鄉賢祠

祀沈晦以下一十七人

社學 在縣西

明善書院 在縣西二十里

松陽縣志宋淳熙九年朱文公

為浙東常平使者至此講道咸淳間邑人葉再遇建

以祀公 久

遂昌縣儒學 在縣治東南

嘉靖浙江通志縣故有孔子廟

在郭西宋皇祐間令何辟非建學今所紹興二年令

鄭必明修栝蒼彙紀明成化七年燬通判郭鼎建明

倫堂十年推官趙巡建大成殿二十年知縣余黼成

之主簿文英建櫺星門宏治八年知縣黃芳重修 吳志

為正德丁丑又燬教諭戴鑾請於知府林富重建嘉

靖間知縣黃養蒙拓學前地鑿泮池知縣洪先志修

萬曆六年知縣鍾宇淳一新之 崇禎處州府志 萬曆

七年知縣鍾宇淳建土地祠聚奎亭十二年知縣王

有功建文昌閣十六年燬十八年知縣萬邦獻重建

二十二年知縣湯顯祖建尊經閣二十三年重建射

圃 在縣西

國朝順治七年教諭鍾天錫修康熙五十年知縣繆之弼

重修

射圃 在河東隅 名宦祠 祀江子一以鄉賢祠 祀龔原以下

社學 四所四隅各一所東隅社學遷貞烈坊

鳳池書院 在湖山 栝蒼彙紀明知縣池浴德建

兌谷書院 在北隅郊外 崇禎處州府志邑人包萬有建

盤溪義塾 在獨山 處州府志邑人朱子堯建

項氏義塾 在北隅 處州府志邑人項應祥建

龍泉縣儒學 在縣治東金鼇峰左 嘉靖浙江通志宋天禧二年

建紹興三年令汪汝則修 季陵為記 龍泉縣志淳熙丁酉

知縣李嘉言改創夫子廟元至元戊寅燬丙戌知縣

金之剛重建明洪武甲寅知縣屈仲建大成殿成化

戊子提學副使劉嶼率府判尹代述建明倫堂宏治

七年知縣潘組紳集學南地改門創大成殿闢兩廡

鑿泮池建櫺星門戟門新二齋正德八年知縣夏章

易泮池於櫺星門外栝蒼彙紀嘉靖己未知縣瞿繼

志重建明倫堂隆慶二年知縣李祝重修 何鏗為記 崇禎

處州府志萬曆十一年知縣陳應芳重修 何鏗為記 十三

年知縣華詔二十八年知縣章文標重修 王亮為記

射圃 祀傅楫以鄉賢祠下八人 祀吳戩以社學 五所

一在縣東隅登仕坊一在縣西隅顯德坊一在縣北隅燈山東一在縣南隅一在橋閣之下

桂山書院 在縣西五里嚴垵 龍泉縣志宋端平間里人張

奉議建 久 龍泉縣志宋端平間里人

笏洲書院 在縣南三里瀆田 舊浙江通志宋端平三年建

於縣郭溪南元至元後復徙瀆田久

仙巖書院在縣西五十里漿安村龍泉縣志宋咸淳間邑人

章公權建久龍泉縣志宋咸淳間邑人

仁山書院在縣東十二都舊浙江通志明嘉靖三年知

縣朱世忠建在縣東

龍淵義塾在縣西漿安村龍泉縣志元季里人章溢建

吳氏家塾在縣北龍泉縣志明正德五年邑人吳瑞

禧建在縣北

鄭氏義學在縣西龍泉縣志元慶元年義民鄭佳

建置田以贍士

翁氏義學在縣東龍泉縣志明萬歷元年邑人翁景

暖置

慶元縣儒學在縣東豐山門外城隍廟左栝蒼彙紀宋慶元三年

令富嘉謨建學於瀆田上村元季燬明洪武間知縣

董大本改建於就日門外天順二年知縣張宣復遷

瀆田故址嘉靖中建城學在城外慶元縣志成化十

年知縣余康建尊經閣隆慶二年知縣彭适教諭顧

翼高議改圖嗣任知縣朱芾乃遷縣治東萬歷二十

一年知縣周道長重修四十二年知縣郭際美拓明

倫堂暨二坊舊浙江通志崇禎三年知縣陳國璧教

諭胡若宏訓導賈應忠改建今址

國朝順治十二年教諭駱起明康熙二年知縣高嶙四年

知縣程維伊先後重修

射圃 在演武場東 名宦祠 祀富嘉謨以下九人 鄉賢祠 祀吳兢以下十二人

學 四所一在縣東一在城東一在九都竹口

松源書院 在縣西隅 慶元縣志明知縣沈維龍命

義民吳治建 久

雲和縣儒學 在縣治西 嘉靖浙江通志景泰七年僉事馮

靖建栝蒼彙紀宏治乙丑知縣劉煥重修 廖軫雲和

縣志 嘉靖己丑知縣陳思 拓舊址而更新之崇禎

處州府志嘉靖丁酉知縣 改從萬壽宮萬歷

二十三年教諭劉夢齡改復 王建躍龍橋 項應祥

天啟六年知縣葉逢焜重修 王一中

國朝康熙二十八年知縣林汪遠重建

射圃 在泮也西 名宦祠 祀顧立以下五人 鄉賢祠 祀王元以下五人 社學

四所俱在坊都

宣平縣儒學 在縣治東 嘉靖浙江通志景泰三年知縣李

景葉建栝蒼彙紀成化十八年知縣何昌重修 馬介隆

慶三年知縣艾善更新之 何鏜 萬歷間知縣劉珍葉

遺風相繼又新之 俞介

射圃在學內名宦祠祀孫原貞以下七人鄉賢祠祀吳仕偉一人社學在縣

南隅

景寧縣儒學在縣治北嘉靖浙江通志景泰三年縣令楊

殖宗建潘琴為記栝蒼彙紀成化庚寅知縣林培建東齋

及泮橋泮池甲辰知縣高政增建西齋正德壬申知

縣陳傑闢門路起東西廊號房巳卯知縣單珏創鄉

賢祠嘉靖庚寅知縣程達創名宦祠庚子知縣王三

接重修盧勳為記丙午知縣趙子楫修易櫺星門柱以石

隆慶壬申知縣陳嚴之重建于門鑿泮池拓宮

牆萬歷四年知縣林喬松民地建門前拓大道何鏗

為萬歷景寧縣志萬歷已州府志萬歷二十

癸未知縣姜師閔修殿堂門州府志萬歷二十

三年知縣雷忭重建項應祥為記天啟元年知縣角韶重

修李光縉為記景寧縣志崇禎十四年知縣徐日隆於縣

北改置新學

國朝順治間知縣林忠順教諭聞斯震康熙間知縣蓋士

毅訓導方游龍知縣劉宗沛教諭史鑑知縣張琢高

棠萼學諭郁廣學訓方山堯歷有創修

射圃祀名宦祠祀楊鄉賢祠祀潘琴以下四人社學九

四在坊隅

力冬行正通志卷二十一學校五

崇正書院

在縣東

舊浙江通志明萬曆中建

鶴溪書院

在按察分司前久地

象山書院


在縣西里久地

鴉峰講舍

在文廟

景寧縣志雍正七年署縣專注士

橫建



天保製

勅修浙江通志卷二十九

